

# PLUMALHON




Lo rat gondin

Vauban

Gorri e  
Pipaut

Quand trèban pro per manjar  
pèdon pesar fins a 9 quilòs.



ISSN 1264-6733  
5,70 €





# Lo rat gondin

**L'**apèlan tanben lo miopotame. Lo rat gondin ven d'America del Sud. En çò nòstre, n'i aviá pas abans que l'importèsson d'aquel continent a la fin del sègle XIX. Ne faguèron venir a causa de la pelissa qu'èra presada. Puèi quand la demanda de pelissa baissèt, daissèron partir los rats gondins dins la natura. Ara, n'i a pertot en Euròpa. Pr'aquò, son bravament caçats e sovent empoisonats perque fan plan degalhs a las culturas.

Fotografias e tèxte de Fred Lavail



**L**o còs del rat gondin es pas d'una granda finessa. A lo cap gròs e las aurelhas pichonas. A las patas palmadas per poder nadar.



**D'**unes mascles pòdon arribar a un mètre de longor en comptant la coa que far mai de quaranta centimètres. Vertat es que lo rat gondin es pas gaire polit e fa aissa a plan monde.

Mas, e mai sián pas polits, pòdon èsser interessants e los cal agachar, per exemple, quand cèrcan per manjar. Quand prenon un agland amb las patas per lo rosigar, son atendrissents. Dison que pòt venir animal domète coma lo cat o lo can.





La tuta



Una patada

**L**o problèma del rat gondin es son biais de viure. Cava de tutas sus las ribas dels rius que s'esbudèlan. Es pus problematic encara quand se meton a cavar las levadas de las restancas !

**L**o rat gondin s'es fòrt plan adaptat en Euròpa. Pr'aquò, contunha d'èsser caçat e mai aja pas jamait demandat de venir en çò nòstre !

Quand tròban pro per manjar pòdon

pesar fins a 9 quilòs.

